

Cars parochians da Laax e Falera

Tier il davos survetsch divin ellas pleivs hai jeu exprimiu in per patratgs da regurdientscha cun in maletg tessiu. Alla fin da quei nunemblideivel temps less jeu mirar anavos e tschentar in per segns d'engraziament.

Il maletg tessiu vegn tenius dad ina rama. La rama ei il simbol per Diu. El tegn tut ensemen. Ei dat fils che van ella direcziun horizontala. Quels muntan nosra relaziun tier Diu. Per survegnir in maletg stuein nus denton lauvrar e trer en fils vi e neu. Ils fils che van ella direcziun verticala fan endament sentupadas, discuors e lavur cun nos concarstgauns. Ensemen tessin nus in maletg che se presenta sco in teppi. La planta ei in ferm simbol per la veta dils carstgauns.



Jeu hai tschentau fluras sin la planta e seregurdau en engrazieivladad da miu temps cheu tier vus. Las sentupadas enrihontas cun vus caras parochianas e cars parochians, cun Sur Peter, Sora Zeno, affons pigns, scolars ellas uras da Religiun, giuvenils, tuttas gruppaziuns ella pleiv, suprastonza dalla pleiv, cussegli pastoral, gruppa dil survetsch divin preeucaristic, catechetas cun ils scolasts e las scolastas, chors, organists ed organistas, calustras e calusters han dau a mi anim, curascha e forza. Dieus paghi per mintga survetsch veseivel e nunveseivel.

La planta flurescha, possi ella purtar fretg en fuorma da ventira, da satisfacziun e buna convivenza.

Dieus paghi a VUS; cars parochians, per il grond engraziament che vus haveis exprimiu a mi il di da fiasta ed il di da lavur e stenta. En collaboraziun cun VUS ei il temps daventaus unics e nunemblideivels. Igl ei Niessegner che ha dau la benedicziun. Ad el sei laud e honor cun cant e sblatschar.

En engrazieivladad e buna memoria. Sora Valentina

Sper l'adressa d'internet da Bogn Ragaz ei Sora Valentina conton-schibla era per e-mail privat: valentina@kloster-ingenbohl.ch

Informaziuns per omisduas pleivs:

Duront l'absenza da Sur Peter, ils 20 da fenadur tochen ils 3 d'uost (sco era el futur da sias absenzas) san ins sevolver en cass urgents e da mortoris:

Laax: tier Paulina Arpagaus nr. 081/ 921 54 69 ni 079/211 50 00 ni tier Natalia Gliott nr. 081/921 48 12 ni 076/358 48 12.

Falera: tier Anita Darms nr. 081/921 32 06 ni tier Agnes Cathomen 081/921 30 61 ni 078/845 72 99.

Il chor „musica vocalis lumnezia conta.

Sonda, ils 8 d'uost 2009 embellescha il chor il survetsch divin en baselgia a Laax. Sut la direcziun dil musicist e dirigent Willi Derungs da Vignogn sentaupan cantaduras e cantadurs duront in'jamna per tgirar il cant sacral. Il program cumpeglia ovras da cumponists slavs, translatai el lungatg latin e tudestg. La populaziun da Laax e contuorn ei cordialmein envidada.

Mardis, ils 11 d'uost 2009 allas 17.00 uras envida la *Conferenza svizra dalla Missiun tudestga e romontscha* per ina sentupada ella Claustra dominicana a Glion. La sentupada cun missiunaris e missiunarias, ord il mund entir, che frequentan lur congedi en Svizra, stat sut il tema: «**Schar provocar dils segns dil temps**»

Cordial beinvegni ad in e scadina. Per plascher s'annunziar entochen ils 5 d'uost 2009, casa pervenda: Tel. 081/ 921 41 12 ni email: kath.kirch.laax@bluewin.ch. Ei fuss legreivel sche era Vus fusses dalla partida.

Ovra ANSGAR svizra: Unfrenda dils 23 d'uost 2009

Plevons svizers, en collaboraziun cun benefactors, han fundau 1962 quell'ovra caritativa. Il scopo da tala duei promover il contact denter ils catolics dalla Svizra e denter la diaspora catolica ellas tiaras dil nord enten sustener finanziamein lur baselgia. Actualmein vegnan quels mieds investai per projects dalla diocesa da Reykiavik (Island) che vegn menada d'igl uestg svizer Peter Bürcher. Vossa capientscha e beinvulientscha gida e megliurar la situaziun e l'existenza d'ina baselgia ella diaspora che basegna nies agir. Dieus paghi!

Informaziuns per Laax

Communiun dils malsauns: Mesjamna, ils 12-08-09 **suentermiezdi**

Fiasta dil s. Batten:

16-08-09 allas 11.30h da Corsin Klaiiss, Ruschein.

30-08-09 allas 11.30h da Paulo Elia Congo, fegl da Riccarda e Mario Congo-Camenisch.

Nus gratulein allas famiglias e giavischein bien sustegn e ventira ella cuminonza cristiana.

Fiasta da Nozzas:

Nus gratulein ad **Umberto Camathias e Simona Cathomen** sin lur fiasta da nozzas che ha liug ils 22 d'uoost 2009 a Breil.

Nus giavischein bia cletg, ventira e buna convivenza ella veta matrimoniala.

Gratulaziun:

Ils 23 d'uoost 2009 gratulein nus a **Maria Wymann per il natalezi da 85 onns**. Nus giavischein in sulegliv di da fiasta, tut il bien e buna sanadad el temps vegnent.


Suvetsch divin ecumen alla riva dil Lag grond

Dumengia, ils 9 d'uoost 2009 allas 10.30h festivein en connex cun il teater el liber «In siemi dalla notg sogn Gion» in survetsch divin ecumen. Nus selegrein da vossa participaziun.

Sentupada da geniturs e lur baptizands dils 23 d'uoost 2009

allas 15.30 uras ella Sentupada, tenor invit personal.

Las vacanzas ein a fin – la scola entscheiva puspei ils 17 d'uoost allas 08.00 uras cun il survetsch divin ecumen.



Informaziuns per Falera

Communiun dils malsauns: Venderdis, 07-08-09 **suentermiezdi**
Gievgia, 27-08-09 **suentermiezdi**

Fiasta dil s. Batten:

09-08-09 allas 12.30h ei il s. Batten da Ella Näf, feglia da Gina e Thomas Näf-Darms.

16-08-09 allas 12.30h ei il s. Batten da Melina Däscher, feglia da Pia e Marco Däscher-Casutt.

16-08-09 allas 14.00h ei il s. Batten da Nalani-Venezia Zanetti e siu cusrin Fabrice Alfier.

Nus gratulein allas famiglias e giavischein bien sustegn e ventira ella cuminonza cristiana.

Nozzas a s. Rumetg:

Nus gratulein a **Heidi Cathomen e Wendelin Casutt** che festiveschan lur nozzas ils 8 d'uoost 2009 a s. Rumetg.

Ils 15 d'uoost 2009 festiveschan Daniela Cafazzo e Philipp Birri, ils 22 d'uoost 2009 festiveschan Olivia Martius e Timo Roppainen lur nozzas.

Nus giavischein a tuts nozzadurs ventira e buna convivenza ella veta matrimoniala.

Gratulaziun:

Nus gratulein ad **Anna Maria Casutt-Winzap sils 80 onns**. Ella ha fatg fiasta ils 3 da fenadur. Era sch'ils auguris e giavischs vegnan pli tard ein els tonaton fetg da cor. Nus giavischein a Vus, cara parochiana, sanadad e teni vinavon Vossa cordialitad e Vies bien humor. Il Segner benedeschi Vos dis ed onns.

Las vacanzas ein a fin – la scola entscheiva puspei ils 17 d'uoost allas 09.00 uras cun la s. messa en Baselgia.

Nus giavischein a scholars, scolasts, geniturs ed accumpignaders dils affons in benedi e legreivel onn da scola.

Oravontut beneventein nus ils affons dall'emprema classa ch'entscheivan lur onns da scola sco era ils affons che fan il pass ella scoletta. Il niev temps en lur veta seigi benedi e protegius da Diu e porti legria e satisfacziun per lur avegnir.